



Konversa Komérsiu : Eventu Lansamentu PIN



Konversa Komérsiu : Eventu lansamentu Kódigu Étika ASDATIL

### Autoridade Aduaneira Realiza Konversa Komérsiu Daruak ho Lansamentu Pontu Inkéritu Nasionál (PIN).

Autoridade Aduaneira (AA) hala'o ninia Konversa Komérsiu daruak iha 22 Outubru 2024 iha salaun Suai Room, Timor Plaza, Dili. Eventu ne'e marka ho lansamentu Pontu Inkéritu Nasionál (PIN) no reaffirma kolaborasaun ne'ebé kontinua entre United States Agency for International Development (USAID) no Autoridade Aduaneira Timor-Leste.

USAID nia apoiu nu'udar esforsu boot hodi promove kresimentu ekonómiku sustentável no dezenvolvimentu regional. Lihusi ajuda Timor-Leste hodi atinji ninia meta sira ba fasilitasaun komérsiu, USAID ajuda dudu diversifikasaun ekonómiku no promove ambiente komérsiu ida-ne'ebé reziliente, transparente no inkluzivu liu.

PIN ne'e dezenia atu hafasil komunikasaun entre empreezariu sira ho Autoridade

Aduaneira (AA). PIN fornese plataforma id aba empreezaria sira hodi submeter pergunta no simu resposta eskrita direktamente husi ofisiais Alfândega sira. Bele asesu online liuhusi Portál Komérsiu Alfândega nian, atendentu gratuita ida ne'e ofereso solusaun efisiente ida hodi rezolve pergunta relevante sira kona-ba komérsiu.

Lihusi PIN, uzuáriu sira bele hetan resposta ne'ebé akuradu no lalais ba pergunta tékniku sira kona-ba prosedimentu alfândega nian no la prezisa atu vizita eskritóriu sira ka hasoru -malu ho pesoál relevantes. Inisiativa ida ne'e redúz atrazu, hasa'e empreezariu sira nia konfiansa, no haforsa relasaun komérsiál, liu-liu melhora transparénsia no efikázia iha sistema alfândega laran.

### Treinamentu PPO kona-ba Reserva Importasaun no Esportasaun (RIE): Outubru – Novembru 2024

Autoridade Aduaneira (AA), liuhusi kolaborasaun ho ekipa USAID/Timor-Leste Trade Governance Activity, organiza sesaun treinamentu balun kona-ba Padraun Prosedimentu Operasionál (PPO) ba Reserva Importasaun no Exportasaun (RIE). Treinamentu ne'e foku liu ba staff AA, representante husi Ajénsia Governu Seluk, no membru sira husi Assosiasaun Despaxante Aduaneira (ASDATIL). Treinamentu ne'e hala'o iha Edifisiu AA, Ministériu Finansas(MF), Portu Tibar, no área fronteira sira, sesaun sira ne'e ho objetivu atu facilita participante sira iha liberaasaun manual ba operasaun sira durante sistema dijital alfândega nian(ASYCUDA World) la funsiona.

Partisipante sira inklui ofisiais husi Ministériu Agrikultura nia Departamentu Quarantena no Bioseguransa, SAMES husi Ministériu da Saúde, Diresaun Transporte no Terrestres (DNNT) husi Ministériu Transporte no Komunikasaun, Ministériu Komérsiu no Industria (MCI), Timor Port, no membru husi ASDATIL. Sesaun treinamentu loron sorin ne'e kobre asuntu lei, etapa prosedimentu sira, no parseiru sira nia responsabilidade durante eventu RIE nian. Treinamentu ne'e fó emfaze ba importánsia husi kolaborasaun entre pesoál alfândega nian, despaxante sira, no parseiru sira hodi mantein operasaun ne'ebé la'o ho

di'ak iha kondisaun difisil refere. Total participante hamutuk na'in 160, Mane na'in 120, no Feto na'in 40 mak partisipa iha sesaun treinamentu hirak ne'e.

Treinadór AA nian, lidera husi Sr. José Coli, kolabora ho ekipa TGA hodi fasilita hamutuk sesaun treinamentu refere. Treinadór sira involve participante sira iha diskusaun hodi hamosu komentáriu, ne'ebé sei ajuda hodi defini treinamentu sira iha futur. Aprosimasaun interaktivu ne'e habiban treinadór sira atu hatene partisipantes nia hanoin, aliende mós haklean sira nia kumpriensaun ba konseitu prinsipál sira.

Treinadór sira hala'o avaliasaun Pre no Post treinamentu nian hodi sukat progresu husi participante sira. Aleinde detailu husi valór sira ne'e sei avalia hela, rezultadu inisiu hatudu mudansa signifkativu iha participante sira nia abilidade.

Partisipante sira apresia treinamentu refere ba ninia foku pratikal sira, liu-liu importánsia husi SOP RIE nian iha mitigasaun risku sira durante disrupsaun sistema. Formatu interativu no orientasaun klaru, anota hanesan pontu importante, hodi kontribui ba treinamentu nia susesu jerál.

### Autoridade Aduaneira Apoi a Lansamentu Kódigu Étika ASDATIL iha Konversa Komérsiu Datuluk.

Iha loron 11 Dezembru 2024, Autoridade Aduaneira(AA),servisu hamutuk ho ekipa USAID/Timor-Leste Trade Governance Activity no membru Assosiasaun Despaxante Aduaneira (ASDATIL), ofisialmente lansa Kódigu Étika ASDATIL. Eventu lansamentu ne'e hala'o iha salaun Maubara Room, andar da-5,Timor Plaza, Dili.

Seremonia lansamentu ne'e hala'o ho assinatura ofisial ba Kódigu Étika husi Prezidente ASDATIL Sr. Hilario Barros no Vise Prezidente Sr. Zeca Guterres, akompanha mos husi Komisáriu AA, representante USAID/Timor Leste no Trade Governance Activity nia COR. Sra. Ana Guterres, Prezidente AEMTL, no vise presidente CCITL ba Economic Development and Strategic Planning.

Eventu refere partisipa mós husi partisipantes no ekipa mídia.

Iha ninia deskursu badak, Sr. Barros hato'o nia agradesimentu ba AA, ekipa USAID/Timor-Leste Trade Governance Activity, nomós representante USAID COR ba sira nia esforsu signifkativu hodi dezenvolve Kódigu Étika refere no organiza eventu ba lansamentu nian.

Partisipante sira partisipa ho ativu iha eventu ne'e no apresia introdusaun husi Kódigu Étika. Sira mós aproveita haree vídio badak ne'ebé hatudu knaar no responsabilidade ASDATIL no espresa optimizmu kona-ba implementasaun husi Kódigu Étika refere.

### Reseita ne'ebé kolekta iha 2024

2024 REVENUE COLLECTED PER MONTH	
JAN	\$ 4,624,984.64
FEB	\$ 8,091,426.72
MAR	\$ 8,879,354.23
APR	\$ 7,223,495.33
MAY	\$ 9,707,067.54
JUN	\$ 7,457,657.05
JUL	\$ 10,950,588.88
AUG	\$ 10,548,204.06
SEP	\$ 8,566,955.56
OCT	\$ 11,223,374.08
NOV	\$ 9,958,139.22
DEC	\$ 11,652,388.49
<b>TOTAL</b>	<b>\$ 108,883,635.80</b>